

'S NEGRDAAL

Em gelobda Neggrdaal
geit's beim Baua' koi' Moral
denn des Däle isch' dodal vrhonzd, 's isch' dodal vrhonzd!

Gschbridzde Reba zwischadren
ond dia Wäldr, wo i' kenn'
di' send vial zu kloï' fir guade Lufd, z' kloï' fir guade Lufd!

Refr. : Waggelige Knui von dem Gschdank
Lommelige Fiaß' vom Asphalt
Dubbeligr Kopf von dem Krach
Piggelige Haut von 'ra Briah...

Ond des Jesses - Schdroaßanedz
des verschandld älle Plädz'
wo ma' friher schlumbfa kenna hod, joa schlumbfa kenna hod!

Aus de' Schornschdoi' pfuzged Scheiß
schlubfd en d' Ebfl haufaweis'
au' dia Dreibla hangad kädschich droa', hangad kädschich droa'!

Jeden Moa' vom Planungsamt
wo aus Bedo'hausa schdammd
sodd' ma' gladd en Bedo' giaßa lao', en Bedo' giaßa lao'!